

## **Nappaatit sulinermik aallaaveqartunut 1. januar 2005 sioqqullugu nalunaarutigineqartunut allattorsimaffik pillugu nalunaarut.**

Inatsit naapertorlugu § 10, imm. 1, nr. 1, sulinermik peqquteqartumik ajoqusersimanermi malitsigisinnaasaanut sillimaniarluni inatsimmi, tak. inatsimmik nalunaarut nr. 943 16. oktober 2000-imeersoq, aamma § 11, imm. 1, nr. 1, aalajangersagaq nr. 273 24. april 2001-imeersoq Kalaallit Nunaanni sulitilluni ajoqusersimanermi malitsigisinnaasaanut sillimaniarluni inatsisip atuutilernis-saa pillugu, aalajangersarneqarpoq:

**§ 1.** Sulitilluni ajoqusersimanermi napaatigineqartoq akuerineqassappat, tak. inatsimmi § 10, imm. 1, nr. 1, taava tulliuttuni piumasaaqaatit nalinginnaasut naammassineqarsimassapput:

- 1) ajoqusernermi sunnertinneq sakkortussutsimigut aamma piffissaq eqarsaatigalugu sunnertissimaneq, sunnertisimanerup aamma nappaatigineqartup imminnut ataqatigiinnerinik uppersaateqassaaq.
- 2) Nappaatip suuneranik paasineqarsimasup, nappaatigisap uppersarsineqarnera, sunnertisimanerlu assigiissapput aamma nappaatigineqartup imminnut ataqatigiinnerannik.
- 3) Takutinneqarsimassanngilaq, ilimagineqarsinnaasunngorlugu, nappaatigineqartoq sulisimanerup kingunerinngisaanik nappaatigineqarlissimanissaanik pisuussuteqassanngilaq, tak. § 11, imm. 1, sulitilluni ajoqusersimanermi malitsigisinnaasaanut sillimaniarluni inatsit.

*Imm. 2.* Pisimasut, sulinermit tunngaveqanngitsut, kisiannili napparsimalersimanermut peqqutaqa-taasut, sulitilluni napparsimalersimasutut peqqutaqaataasutut akuerineqassapput taamaattorli pisi-masut, tak. § 12, imm. 2. Taarsiissutissap qanoq atsiginissaanik naliliiniarnermi, taamaallaat sulitil-luni napparsimalersitsisimasooq nalilersuinermi ilaassaaq, tak. inatsisip § 26-ia.

*Imm. 3.* Taassuma saniatigut piumasaaqaatit immikkut ittut nalunaarsuiffimmi immikkoortut ataasi-akkaatut ilanngunneqarsimasut, tak. takussutissaaq 1 aamma 2, naammassineqarsimassapput, ajor-nanngippat takuuk takussutissiami 3-imi oqaatsit atorineqartut nalunaarsorneqarfianni.

**§ 2.** Nalunaarut 1. jananuar 2020-imi atuutitinneqalissaaq.

*Imm. 2.* Nalunaarut 1. januar 2020 atorineqalissaaq aalajangertoqarsimappat, nappaatigineqartoq 1. januar 2005 sioqqullugu sulineq peqqutigalugu napparsimalerneq akuerineqarsimappat, taassuma ataani inatsisip § 24-ia tunngavigalugu suliaq nangeqqinneqarsimappat.

*Imm. 3.* Nalunaarut taanna aamma aalajangerneqarsimasuni atuuttassaaq, nalunaarutip atuutilin-ginnerani aalajangerneqarsimasuni, Ankestyrelse-imullu apuunneqarsimasunut. Taamaattoq atuutissanngilaq, piumasaaqaatigineqartut sukannerulerneqarsimappata akuersissutigineqarnissaanut.

*Imm. 4.* Nalunaarut nr. 372 8. april 2019-imeersoq sulinermik peqquteqartumik nappaatigineqarler-simasunut nalunaarsuiffimmi 1. januar 2005 sioqqullugu nalunaarsorneqarsimasunut atorunnaarsin-neqarpoq.

*Beskæftigelsesministeriet, den 27. august 2019*

PETER HUMMELGAARD THOMSEN

/ Vibe Westh